



**REGIONE AUTÒNOMA DE SARDIGNA**  
**REGIONE AUTONOMA DELLA SARDEGNA**  
SU PRESIDENTI

Prot. n.11584

**ORDINÀNTZIA N. 46 DE SU 6 DE MES'E LADÀMINI 2020**

**Ogetu:** **Atras medidas straordinàrias apretadas de cuntrastu e prebènnida de s'apestamentu epidemiològicu de COVID-19 in su territòriu regionali de Sardinia. Ordinàntzia cunforma a s'art.32, comma 3, de sa lei 23 de mes'e idas 1978, n. 833 apitzus de igiene e sanidadi pùblica.**

**SU PRESIDENTI**

BIU s'art. 32 de sa Costitutzioni

BIU su Statutu Spetziali po sa Sardinia e is normas de cumpridura relativas;

BIA sa lei regionali 7 de gennàrgiu 1977, n. 1 chi narat *"Normas apitzus de s'organizazioni amministrativa de sa Regioni Sarda e apitzus de is cumpetèntzias de sa Giunta, de sa Presidèntzia e de is Assessoraus regionalis"*;

BIA sa lei 23 de mes'e idas 1978, n. 833 *"Istitutzioni de su servìtziu sanitàriu natzionali"* e in manera particolari s'articulu 32 chi narat *"su Ministru de sa sanidadi podit spratzinai ordinàntzias de genia contingibili e apretada, apitzus de igiene e sanidadi pùblica e de politzia veterinària, cun profetu amanniau a totu su territòriu natzionali o a una parti de cussu chi imbòrdigat a prus regionis"*, cumenti puru *"in cussas allegas e totu funt spratzinadas po parti de su presidenti e de sa giunta regionali e de su sindigu ordinàntzias de genia contingibili e apretada, cun profetu amanniau rispetivamente a sa regioni o a una parti de su territòriu cosa sua chi imbòrdigat a prus comunus e a su territòriu comunali"*;

BIA sa decraratzioni de s'Organizazioni mundiali de sa Sanidadi de su 30 de gennàrgiu 2020 aundi s'epidemia de COVID-19 est stètia cunsiderada cumenti una emergèntzia de sanidadi pùblica de importu internatzionali;

BIA sa delibera de su Cunsillu de is Ministrus de su 31 de gennàrgiu 2020 chi narat *"Decraratzioni de su stadu de emergèntzia a pustis de su perigulu sanitàriu alliongiu a sa lòmpida de patologias ocasionadas de agentis viralis trasmitibilis"*;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI

- BIA s'ordinàntzia de su Cabu de su Dipartimentu de sa protetzioni civili n. 630 de su 3 de friàrgiu 2020 chi narat "*Primas interbènnidas apretadas de protetzioni civili po cussu chi pertocat a s'emergèntzia chi pertocat a su perìgulu sanitàriu allongiàiu a sa lòmpera de patologias ocasionadas de agentis viralis trasmitibilis*";
- BIU su decretu-lei 23 de friargiu 2020, n.6 chi narat "*Medidas apretadas apitzus de impiticamentu e gestioni de s'emergèntzia epidemiològica de COVID-19*" furriau, cun mudàntzias, de sa lei 5 de martzu 2020, n. 13, bogau apustus de su decretu-lei n.19 de su 2020 a foras de s'art. 3, comma 6-bis, e de s'art.4;
- BIU su decretu de su Cabu de si Dipartimentu de sa protetzioni civili n. 627 de su 27 de friàrgiu 2020 chi nùmenat a su Presidenti de sa Regioni Sardìnnia, sugetu faidori de is *interbènnidas chistionadas de su OCDPC 630/2020*;
- BIA sa decraratzioni de sa Organizatzioni mundiali de sa sanidadi de su 11 de martzu 2020 aundi sa epidemia de COVID-19 est stètia cunsiderada cumentu "pandemia" cunsiderendi de is livellus de spratzinadura e graidesa lòmpius a livellu globali;
- BIU su decretu lei 17 de martzu 2020, n.18, chi narat "*Medidas de afortiamentu de su servitziu sanitàriu natzionali e de apoderamentu econòmicu po famillias, traballadoris e impresas allongiadas a s'emergèntzia epidemiològica de COVID-19*" furriau, cun mudàntzias, cun sa lei 24 de abrili 2020, n.27:
- BIU su decretu-lei 25 de martzu 2020, n.19 chi narat "*Medidas apretadas po infrentai s'emergèntzia epidemiològica de COVID-19*", furriau, cun mudàntzias, de sa lei 22 de maju 2020, n. 35 e mudau torra de su D.L. n. 83/2020, in manera particolari is artìculus 1 e 2, comma 1;
- BIAS is ordinàntzias contingibilis e apretadas de su Presidenti de sa Regioni Sardigna, cunforma a s'art. 32, comma 3, de sa lei 23 de mes'e idas 1978, n. 833 apitzus de igiene e sanidadi pùblica n.2 de su 23 de friàrgiu 2020, n.3 de su 27 de su friàrgiu 2020, n.4 de su 8 de martzu 2020, n.5 de su 9 de martzu 2020 e noda spricadora allongiada n. 2593 de su 10 de martzu 2020, nn. 6, 7 e 8 de su 13 de martzu 2020, n. 9 de su 14 de martzu 2020 e noda spricadora allongiada n. 3EM de su 16 de martzu 2020, n.10 de su 23 de martzu 2020, n. 11 de su 24 de martzu 2020, n. 12 e 13 de su 25 de martzu 2020, nn. 14, 15 e 16 de su 3 de abrili 2020, n. 17 de su 4 de abrili 2020, n. 18 de su 7 de abrili 2020, n. 19 de su 13 de abrili 2020, n. 20 de su 2 de maju 2020 e sa noda allongiada n.8EM de su 9 de maju 2020, n. 21 de su 3 de maju 2020, n. 22 de su 13 de maju 2020, n. 23 de su 17 de maju 2020, n. 24 de su 19 de maju 2020, n. 25 de su 23 de maju 2020, n. 26 de su 29 de maju



REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI

2020, n. 27 de su 2 de làmpadas 2020, n. 28 de su 7 de làmpadas 2020, n. 29 de su 14 de làmpadas 2020, n. 30 e n. 31 de su 4 de mes'e argiolas 2020, nn. 34 e 35 de su 15 de su mes'e argiolas 2020, e n. 36 de su 31 de mes'e argiolas 2020, n. 37 de su 9 de austu 2020, n. 38 de su 11 de austu 2020, n. 39 de su 12 de austu 2020, n. 40 de su 13 de austu 2020, n. 41 de su 16 de austu 2020; n. 43 de su 11 de cabudanni 2020; n. 44 de su 22 de cabudanni 2020 e n. 45 de su 25 de cabudanni 2020;

BIU su decretu lei 16 de maju 2020, n. 33 chi narat *“Atras medidas apretadas po infrentai s'emergèntzia epidemiològica de COVID-19”* e publicau in sa Gazeta Ufitziali n. 125 de su 16 de maju 2020, furriau, cun mudàntzias, cun sa lei 14 de mes'e argiolas 2020, n.74 e mudau torra de su D.L. n. 83/2020;

BIU su decretu lei 19 de maju 2020, n. 34 *“Medidas apretadas apitzus de saludi, apoderamentu a su traballu e a s'economia, cumentu puru de políticas sotzialis alliongiadas a s'emergèntzia epidemiològica de COVID-19”*, furriau, cun mudàntzias, cun sa lei 17 de mes'e argiolas 2020, n. 77;

BIUS is decretus de su Presidenti de su Cunsillu de su 11 de làmpadas 2020, de su 14 de mes'e argiolas 2020 e de su 7 de austu e is alliongiaus insoru;

BIAS is ordinàntzias de su Ministru de sa Saludi de su 30 de làmpadas 2020, de su 9 de su mes'e argiolas 2020, de su 24 de su mes'e argiolas 2020, de su 30 de su mes'e argiolas 2020, de su 1 de austu 2020, de su 12 de austu 2020 e de su 16 de austu 2020;

BIU su decretu lei de su 30 de su mes'e argiolas 2020, n. 83 *“Medidas apretadas alliongiadas cun sa scadèssida de sa decraratzioni de emergèntzia epidemiològica de COVID-19 deliberada su 31 de gennàrgiu 2020”* chi apariciat su perlongu de su stadu de emergèntzia finsas a su 15 de su mes'e ladàmini 2020;

BIU su decretu lei 14 de austu 2020, n. 104 *“Medidas apretadas po s'agiudu e su relantzu de s'economia:*

BIU su decretu de su Presidenti de su Cunsillu de is Ministrus 7 de cabudanni 2020 e alliongiaus suos;

CUNSIDERAU su caminu de s'acontèssiu epidemiològicu, sa manera apestadora meda de s'epidemia e su caminu de is acontèssius in su territòriu natzionali;

CUNSIDERAU chi is medidas sovranatzionalis de s'acontèssiu epidèmicu e s'imbordigamentu de medas sìtius in su territòriu natzionali faint arrechedi



REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI

medidas chi potzant assegurai sa cumpridura de is programas de profilassi cuncordaus in sedi internatzionali e europea, aconcendi is medidas castiendi a sa spetzifitzidadi de su cuntestu territoriali imbordigau, arrespetendi is allegas de arresonnadura, propporzionalidadi e adeguadura a su perìgulu presenti diaderus in su territòriu regionali;

BIU s'art. 2 numenau de su DPCM de su 7 de cabudanni 2020, bia a su cali *"is inditaduras de custu decretu si impreant po is Regionis a statutu spetziali e a is Provìntzias autonomas de Trento e de Bolzano de manera cumpatibili cun is Statutus insoru e is normas de cumpridura chi ddi pertocant"*.

DONAU ÀUTU de is podestadis primàrias donadas a sa cumpetèntzia regionali de sa Lei Costitutzionali 26 de friàrgiu 1948, n.3;

ABETAU chi si fichit aintru de is cumpetèntzias primàrias de sa Regioni Autònoma de Sardìnnia cunforma a is allegas intregadas a sa podestadi legisladora e aministrativa cosa sua e, po cussa, tochit a su Presidenti de sa Regioni Autònoma de Sardìnnia, puru cumenti Autoridadi Sanitària Regionali cumenti puru sugetu faidori de is interbènnidas de su OCDPC 630/2020, castiai e carculai is interbènnidas arrechedi po s'amparu de sa saludi pùblica;

CUNSIDERAU de dèpiri pensai a unu sistema profetosu de contenimentu de sa spratzinadura de su virus, a amèaru de sa saludi siat de is turistas e siat de is tzitadinus sardus, chi imbòrdighit a totus is biagiadoris chi benint de su strangeri e da totu su territòriu natzionali, aundi sa spratzinadura de su virus est ancora manna e, sighendi is ùrtimus càrculus, in crescidura spantosa;

RILEVAU chi sa curva de apestamentu s'est artziada impari cun su fluori turisticu de cambarada, poita sa Sardìnnia at pompiau sa spratzinadura de su virus cun unu nùmeru de apestaduras averiguada acanta de su zeru finsas a totu su mes'e argiolas 2020;

CUNSIDERAU chi in su tempus de custas ùrtimas duas cidas su nùmeru de cussus chi imoi funt in isulamentu a domu est crèsciu de giai 659 unidades, fendi tres bortas su datu percentuali chi pertocat a su cùcuru in su tempus de su lockdown e frimendisi a prus de 2190 acontèssius;

CUNSIDERAU chi in custas duas cidas passadas su nùmeru de is sugetus arricoveraus in s'ispidali in repartus no intensivus at tentu una crescidura de giai 14 unidades, lompendi aici a su pròpiu datu percentuali de su tempus de su lockdown e frimendisi in giai 116 acontèssius;



REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI

CUNSIDERAU chi in su nùmeru de sugetus chi imoi funt arricoveraus in sa terapia intensiva est de 19 unidades, cun una crescidura manna meda, in su petantis de custas duas cidas passadas, alliongiau strintu e proportzionali a sa crescidura esponenziali de is mortus passaus de 140 a 156 in arresoni de bell'e 16 mortus;

RELEVAU chi cussu amanniamentu esponenziali numenau ainnantis de cussus bessius positivus depit essi postu in relata po una parti bia a su nùmeru beru de is letus liberus - est a nai sceti 14 unidades in terapia intensiva e 28 unidades in terapia semintensiva - e de atra manera cun is datus apitzus de is proietzionis de is lòmpidas de is navis e de is aèrius chi narant chi funt abetaus prus de 100.000 sbarcus e giai 300.000 lòmpidas in aèriu in su trimestri de mes'e ladàmini/donniasanti/mes'e idas;

RELEVAU chi s'ùrtimu bulletinu spratzinau de sa unidadi de crisi regionali amostat bell'e 111 acontèssius, est a nai unu datu percentuali chi no si fiat tentu mai nimancu in su tempus de su lockdown, aici de amostai su perìgulu de una emergèntzia bera chi cumandat s'apretu de interbenni po amparai su deretu a sa saludi de sa genti;

PIGAU ÀUTU chi su decretu monocràticu n. 344/2020 apitzus de su recursu n. 473/2020 - aundi su Presidenti de su TAR Sardinna at arrèsciu s'ordinàntzia presidentziali n. 45/2020, po cussu chi pertocaiat a is artìculus 10, 11 e 12 - acabat de tenni efetu su 7 de mes'e ladàmini 2020, est a nai finsas a sa càmera de cunsillu scioberada cun su pròpiu decretu po su chistionu in sa càmera de cunsillu collegiali;

PENSAU chi po cussu chi pertocat a sa cunditzioni de isula de Sardinnia, e intzaras de su tanti piticu de logus de intrada e de su tanti de su servìtziu sanitàriu regionaliu, chi - mancari si afortiau de manera manna me is struturas e me is repartus dedicaus prus chi totu a sa cura de is patologias de Covid-19 - no si iat a podi infrentai sa torrada de sa spratzinadura virali cun nùmerus esponenzialmenti prus mannus de sa capidura sua de entrega de prestatzionis, alliongiaus a is fluoris turisticus chi si podint prevedi in custu mesi, bessit de dònna manera arrechedi unu sistema de scrucullus prebennidori afortiau po is lòmpidas cun sa tarea de filtrai ancora de prus sa possibilidadi de una circolatzioni virali noa;

TORRAU A ARREGORDAI s'alliongiau 15 giai numenau, in sa parti aundi narat *"...a foras de sa possibilidadi po is Regionis de fichiri cumandus pensendi a is cunditzionis territorialis e logísticas diferentis, cumentu puru de is dotatzionis rispetivas de su parcu mesus"*;



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI**

**ARRICIU** su parri donau apitzus de s'Ordinàntzia n. 43 de su 11 de cabudanni u.s. po parti de su Cunitau tènnicu scientificu apariciau po infrentai a sa spratzinadura epidemiològica de su Covid-19 in Sardìnnia cun deliberatzioni de sa Giunta Regionali n. 17/4 de su 01/04/2020, cumenti integrau cun deliberatzioni n. 24/9 de su 08/05/2020;

**AVALORAU** in prus, s'apretu e sa indiferibìlidadì de aconciai is cunditziònis epidemiològicas de su logu mudadas torra a amparu de is citadinus sardus po sa prebènnida e su cuntenimentu de sa spratzinadura in su territòriu de sa Regioni Sardìnnia de su COVID-19, cunforma a s'art.32 de sa lei 23 de mes'e idas 1978, n. 833 a pitzu de igiene e sanidadi;

**CUMANDAT**

**Art. 1)** s'ordinàntzia n. 43 de su 11 de cabudanni 2020 est perlongada de su 8 de mes'e ladàmini finsas a su 23 de mes'e ladàmini 2020.

A foras chi s'acontèssiu no iat a essi unu arreatu prus lègiu puru, sa farta de ponnidura a menti de is cumandus de custa ordinàntzia est castigada cumenti narat sa lei (art. 2 de su D. L. 33 de su 16 de maju 2020).

Custa ordinàntzia benit imbiada, sighendi is cumpetèntzias de donniunu, a su Presidenti de su Cunsillu de is Ministrus, a su Ministeru de is Infrastruturas e Tragus, a su Ministru de sa Saludi, a is Aministradoris de is Provintzias de su territòriu, a su Sìndigu Metropolitanu de Casteddu, a is Sìndigus de is Comunus de Sardìnnia, a is Prefetus de is Ufitzius Territorialis de Guvernu de Sardìnnia, a is Assessoris regionalis, a sa Autoridadi de su Sistema Portuali de su Mari de Sardìnnia, a is cumpangias marìtimas imbordigadas e a totus is atrus sugetus imbordigaus.

Cuntra de custa ordinàntzia est amìtiu su recursu giurisditzionali ainnantis de su Tribunali Aministrativu Regionali in su tràmini de sessanta diis de sa comunicatzioni, o puru cussu straordinàriu a su Cabu de su Stadu aintru de su tràmini de centubinti diis.

Christian Solinas